

2126.913844



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ո. ՊԵՏՐՈՍՅԱՆ
« 23 » 03 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0059-21

Ձեռնարկողը՝ «ՀԱՅՐԵՆԻՔ ՇԻՆ» ՍՊԸ
քաղաք Երևան, Անդրանիկի 120, քն. 37

Գործունեությունը՝ Շենգավիթ վարչական շրջանի Մ.Ֆրունզեի փողոց 10/4 հասցեում բազմաֆունկցիոնալ բնակելի համալիրի կառուցման աշխատանքների շրջակա միջավայրի վրա ազդեցության գնահատման հայտ
Երևան քաղաք

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 7 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ **0 0 5 9 - 2 1**

<<23>> 03 2021թ.

**Երևան քաղաքի Շենգավիթ վարչական շրջանի Մ. Ֆրունզեի փողոց 10/4 հասցեում
բազմաֆունկցիոնալ բնակելի համալիրի կառուցման շրջակա միջավայրի վրա
ազդեցության նախնական գնահատման հայտ**

Ներածական մաս.

Ձեռնարկող՝

«ՀԱՅՐԵՆԻՔ ՇԻՆ» ՍՊԸ

Ներկայացված նյութեր՝

Նախնական գնահատման հայտ
«Գ» կատեգորիա

Տեղադրման վայրը՝

Երևան համայնք,
Շենգավիթ վարչական շրջան

Երևան քաղաքի Շենգավիթ վարչական շրջանի Մ. Ֆրունզեի փողոց 10/4 հասցեում
«ՀԱՅՐԵՆԻՔ ՇԻՆ» ՍՊ ընկերության կողմից նախատեսվում է կառուցել
բազմաֆունկցիոնալ բնակելի համալիր:

Նախատեսվող գործունեությունը, համաձայն «Շրջակա միջավայրի վրա
ազդեցության գնահատման և փորձաքննության մասին» ՀՀ օրենքի 14-րդ հոդվածի 7-րդ
մասի «ա» ենթակետի, հանդիսանում է «Գ» կատեգորիայի գործունեության տեսակ:

Նախատեսվող բազմաֆունկցիոնալ բնակելի համալիրը կառուցվելու է անշարժ գույքի
սեփականության իրավունք ունեցող 0.405716 հա ընդհանուր մակերեսով հողամասի վրա՝
Երևանի քաղաքապետարանի կողմից տրված ճարտարապետահատակագծային
առաջադրանքի հիման վրա:

Հողամասերի նպատակային նշանակությունը բնակավայրերի է, գործառնականը՝
խառը կառուցապատման:

Գործունեության նպատակն է՝ կառուցել բազմաֆունկցիոնալ բնակելի համալիր՝
բաղկացած վերգետնյա և ստորգետնյա հատվածներից: Կառույցը, որի կառուցապատման
մակերեսը կազմում է 2430.76մ², նախատեսվում է իրականացնել երեք ստորգետնյա և
տասնչորս վերգետնյա հարկերով:

Նկարագրական մաս.

Նախատեսվող գործունեության տարածքը մի կողմից՝ տրանսպորտային մոտեցմամբ,
հարում է Ֆրունզեի փողոցի վերջնամասին, իսկ մյուս կողմից՝ Բայդուկով փողոցին:

Գեոմորֆոլոգիական տեսանկյունից ուսումնասիրվող տարածքը գտնվում է
Արարատյան հարթավայրի հյուսիս-արևմտյան եզրային հատվածում, Երևան քաղաքի



հարավային մասում, որտեղ տարածքի ռելիեֆի հյուսիս-արևմուտքից դեպի հարավ-արևելք ունի մեծ թեքություն: Մակերևույթի բացարձակ նիշերը տատանվում են ծովի մակերևույթից 899.0-900.5մ սահմաններում:

Տեղամասում մինչև 37մ խորությամբ փորված հորատանցքով ստորերկրյա ջրեր չեն հայտնաբերվել:

Համաձայն նախագծային փաստաթղթերի բնակելի համալիրը բաղկացած է երկու բարձրահարկ բնակելի մասնաշենքերից (երեք ստորգետնյա և տասնչորս վերգետնյա հարկերով): Մասնաշենքերի վերգետնյա և ստորգետնյա շինությունները միմյանցից անջատված են լինելու հակասեյսմիկ կարաններով: Մասնաշենքերի կառուցման համար ընտրվել է ե/բ մոնոլիտ ծածկերով կարկասային համակարգ՝ բաց երանգի տրավերտինի և բազալտի արտաքին երեսպատմամբ:

Երկու բարձրահարկ մասնաշենքերը նախագծված է միաձույլ երկաթբետոնե (ե/բ) շրջանակակապային հիմնակմախքով, իսկ ստորգետնյա մասնաշենքերը (ըստ սեյսմիկ կարանների տարանջատված են 4 ստորգետնյա մասնաշենքեր)՝ միաձույլ ե/բ շրջանակային հիմնակմախքով:

Վերգետնյա 2 մասնաշենքերը տասնչորս հարկանի են, որոնց հիմքերը ժապավենային են նախագծված հիմնային սալից (0.4մ հաստությամբ) և շենքի երկու փոխուղղահայաց ուղղություններով խաչաձև հիմնային հեծաններով:

Վերգետնյա առաջին հարկում նախատեսված են 720.52մ² հասարակական տարածքներ՝ 4.20մ բարձրությամբ: Յուրաքանչյուր մուտքի բնակելի հարկերում նախատեսված են 53.2մ²-ից 130.76մ² մակերեսներով 1-ից մինչև 4 սենյականոց բնակարաններ, որոնց թիվը յուրաքանչյուր հարկում 4-5 է՝ կախված հարկերի տարբեր համադրություններից: Բնակելի հարկի բարձրությունը նախատեսված է 3.3մ:

Տիպարային հարկերում բնակարանները ապահովված են լինելու միջանցիկ և անկյունային լուսավորությամբ և օդափոխությամբ: Յուրաքանչյուր բնակարանի համար նախատեսված է բաց պատշգամբ:

Բազմաֆունկցիոնալ բնակելի համալիրի տանիքում նախատեսվում է տեղադրել ֆոտովոլտային արևային վահանակներ, որոնք ապահովելու են շենքի մուտքերի և արտաքին դեկորատիվ լուսավորությունը, ինչպես նաև էլ. հոսանքով սնուցելու են վերելակները:

Նախատեսվող կառույցի ստորգետնյա հատվածները իրենց հերթին տարանջատված են 4 մասնաշենքերի, որոնք նախագծված են ժապավենային հիմքերով, մասնաշենքերի երկու փոխուղղահայաց ուղղություններով խաչաձևված են հիմնային հեծաններով: Նկուղային հարկում արտաքին պարփակող պատերն նախատեսված են միաձույլ երկաթբետոնից, կունենան 0.4մ հաստություն և կծառայեն որպես կոշտության դիաֆրագմաներ: Ծածկերը լինելու են միաձույլ ե/բ-ից՝ հենված պարագծով պարզունակների վրա 0.2մ հաստությամբ:

Եռահարկ ստորգետնյա հատվածում, որոնց 2 մուտքերը կազմակերպված են հարավային ճակատի բակային հատվածից, նախատեսված են ավտոկայանատեղիներ՝ ընդհանուր առմամբ 164 մեքենայի համար: Նկուղային հարկում նախատեսված է նաև 8 ավտոկայանատեղի՝ հաշմանդամների համար: Ավտոկայանատեղիները ըստ հարկերի առանձնացված են լինելու հակահրդեհային ինքնափակվող դռներով: Եռահարկ ստորգետնյա ավտոկայանատեղին, որի բոլոր հարկերի գումարային ընդհանուր մակերեսը մոտ 3500մ² է, նախագծված է այնպես, որ նշված տարածքը, ըստ անհրաժեշտության, հնարավոր լինի կիրառել նաև որպես ապաստարան:



Առաջին (զրոյական) հարկում կազմակերպված են երեք բնակելի մուտքեր, յուրաքանչյուրը 2-ական վերելակներով՝ մարդատար և բեռնատար, ինչպես նաև 20 մուտքեր հասարակական տարածքների համար: Բնակելի մուտքերը կազմակերպված են միջանցիկ՝ բնակիչներին հնարավորություն տալով մուտք գործել շենք արտաքին և բակային կողմից չծխացող աստիճանավանդակներով: Աստիճանավանդակները նկուղային հարկերում, ինչպես նաև առաջին հարկից առանձնացված է հակահրդեհային ինքնափակվող դռներով: Բնակելի հարկերում ընդհանուր միջանցքը աստիճանավանդակից առանձնացված է հակահրդեհային ինքնափակվող դռներով: Բոլոր հարկերի աստիճանահարթակներում նախատեսվում է տեղադրել «ելք» գրությամբ վթարային լուսավորության սարքեր:

Բնակելի համալիրի կողային կանաչ հատվածում տեղակայված կլինեն մանկական խաղահրապարակը, ծաղկանոցը, շվաքարանը և այլ բարեկարգումներ: Բակային հատվածի կանաչ գազոնը տեխնիկապես հարմարեցված կլինի հրշեջ մեքենայի մուտք ու ելքի համար, որի գրունտներում նախատեսվում է փռել գետտեքստիլ շերտ:

Աշխատանքային նախագծով մասնաշենքերում նախատեսված է ջեռուցման ներքին համակարգ, տեսահսկման համակարգ, որի օգնությամբ կիրականացվի ներքին և արտաքին հսկողությունը, հրդեհային ազդարարման ավտոմատ համակարգ և այլն:

Հաշվի առնելով այն հանգամանքը, որ բնակելի համալիրի գազաֆիկացումը նախատեսվում է հետագա փուլերում և այս փուլում դեռևս չի իրականացվելու, տաք ջրամատակարարումը նախատեսվում է իրականացնել յուրաքանչյուր բնակարանում տեղադրված անհատական կաթսաներից, որի ներքին ցանցը մոնտաժվելու է պոլիպրոպիլենային խողովակներից: Հետագա գազաֆիկացման դեպքում այս կաթսաները ևս կարող են պահպանվեն՝ հանդիսանալով այլընտրանք գազաֆիկացման ժամանակավոր դադարեցման (օրինակ՝ վթարային անջատումներ և այլն) դեպքում տաք ջրամատակարարումն ապահովման համար:

Բնակելի համալիրի էլեկտրամատակարարումը, ջրամատակարարումն ու ջրհեռացումն իրականացվելու են համաձայն «ՀԷՑ» և «Վեոլիա Ջուր» ՓԲ ընկերությունների կողմից տրամադրված տեխնիկական պայմանի:

Կենցաղային կոյուղու համակարգը նախատեսված է իրականացնել ինքնահոս: Կոյուղին կհեռացվի դեպի գոյություն ունեցող քաղաքային ցանց (Բաղյուկովի փողոցի կոյուղու հոր, նախատեսվող գործունեության տարածքից մոտ 35մ հեռավորության վրա), իսկ կոյուղու կանգնակները նախատեսված են օդափոխության հորանների մեջ:

Անձրևաջրերի և հալոցքաջրերի հեռացումը հարթ տանիքից նախատեսվում է կազմակերպել ջրահեռացման կանգնակներով՝ դեպի շենքի պարագծով նախատեսված ջրհավաք առվակ, որտեղից դրանք կհեռացվեն դեպի քաղաքային կոյուղու ցանց:

Ավտոկայանատեղերի լվացման, հալոցքի և հրդեհամարումից հավաքված ջրերի հեռացման համար նախատեսված են հոսակներ և ջրհավաք առվակներ, որոնցից ջրերը կուտակվում են մերձափոսի մեջ և դրենաժային պոմպով մղվում դեպի մոտակա կոյուղու հոր:

Բազմաֆունկցիոնալ բնակելի համալիրի օդափոխության և օդի լավորակման համար նախատեսված է ներածող-արտածող, բնական և արհեստական օդափոխություն: Բնակելի հատվածի միջանցքներում նախատեսված են ծխահեռացման համակարգեր:

Ավտոկայանատեղիի համար նախատեսված է մեխանիկական դրդմամբ ներածման, արտածման, ծխահեռացման, հակահրդեհային օդափոխության համակարգեր:

Համաձայն նախնական գնահատման հայտի շինարարության տևողությունը ծրագրավորվում է 34 ամիս:



Շինարարության ընթացքում պահանջվող աշխատողների թիվը գնահատվում է առավելագույնը 50 մարդ, որից.

- ինժինեռատեխնիկական անձնակազմ՝ 6 մարդ:
- արհեստագործներ և բանվորներ՝ 34 մարդ,
- մեքենավարեր և օգնականներ՝ 10 մարդ:

Աշխատողների կենցաղային պայմանները ապահովելու համար կտեղադրվեն բիոզուգարաններ:

Շինարարական աշխատանքների ընթացքում օգտագործվելու են շինարարական մեքենաներ և մեխանիզմներ՝ ավտոմեքենա, կոունկ, էքսկավատոր, բեռնատար ավտոբեռնատնայնակ, բուլդոզեր, ավտոինքնաթափ և այլն:

Շինարարությունը ենթադրվում է իրականացնել կապալային եղանակով:

Շաղախը և բետոնը կառաքվեն երևան քաղաքի մոտակա բետոնաշաղախային հանգույցներից՝ մասնագիտացված տրանսպորտային միջոցներով: Առաքումը կկազմակերպվի այնպիսի պարբերականությամբ, որ ապահովվի շին.աշխատանքների անընդհատությունը:

Հիմնական թափոնատեսակը, որը կառաջանա շինարարական աշխատանքների ընթացքում շինարարական աղբն է՝ 280մ³ (ոչ պիտանի հանույթ) քանակով և կենցաղային աղբը, որի ընդհանուր քանակը շինարարության ողջ ընթացքում կանխատեսվում է մոտ 5տ: Շինարարական աղբը շինհրապարակից պարբերաբար կհեռացվի տեղական ինքնակառավարման մարմինների կողմից հատկացված վայր՝ ծածկով ապահովված բեռնատարներով: Կենցաղային աղբի կուտակման համար շին. հրապարակն ապահովված կլինի համապատասխան աղբամաններով: Շինարարության և շահագործման փուլում առաջացած կենցաղային աղբը երևան քաղաքը սպասարկող աղբահավաք ծառայության կողմից կտեղափոխվի մոտակա աղբավայր:

Շինարարության ընթացքում բնառեսուրսներից օգտագործվելու է ջուր՝ տարածքների ջրցանի, հողի/գրունտի խոնավացման համար և շինանձնակազմի խմելու, կենցաղային նպատակների համար: Ջրցանի ծավալները հաշվարկվում են այնպես, որպեսզի չառաջանան մակերևութային հոսքեր և ջուրը բավականացնի միայն փոշենստեցման համար: Շինարարության փուլում ընդհանուր ջրօգտագործումը կազմելու է 1488մ³:

Շինարարական աշխատանքների ընթացքում հողային հանույթը կազմում է 38971 մ³ է, որից հետլիցքը՝ 8787մ³ (այդ թվում՝ 240 մ³ բուսահող, որն ամբողջության կօգտագործվի տարածքի կանաչապատման համար): Հողային աշխատանքներից առաջացած մնացած գրունտի հիմնական մասը նախատեսվում է օգտագործել համահարթեցում իրականացնելու նպատակով:

Նախատեսվող շինարարական աշխատանքների ավարտից հետո կառուցապատումից ազատ տարածքը՝ համաձայն բարեկարգման և կանաչապատման նախագծի, որը հաստատվել է երևանի քաղաքապետարանի կողմից, կբարեկարգվի և կկանաչապատվի: Կանաչապատման ընդհանուր մակերեսը կազմելու է 1632մ² (40.23%), որտեղ կստեղծվեն կանաչապատ գոտիներ՝ սիզամարգերի, տարբեր ծառատեսակների և ծականոցի համադրմամբ: Բացի այդ բնակելի համալիրի տանիքի որոշ հատվածներ ևս նախատեսվում է կանաչապատել:

Կանաչապատման համար նախատեսված են հետյալ ծառերը և թփատեսակները. թույա սյունածն՝ 10, սպիտակ բարդի՝ 21, սիրիական վարդ՝ 13, ծորենի՝ 24, փովող գիհի՝ 9 ծաղկասածիլ՝ 900 հատ և սիզամարգի սպորտային սերմ՝ 70 կգ:

Կանաչապատ տարածքների որպես ոռոգման ջրի աղյուր կծառայի Մանթաշյան փողոցով անցնող Արտաշատի ջրանցքը: Ոռոգման ցանցը կիրականացվի պոլիէթիլենային



խողովակներով՝ կից ցողացիներով և փականներով, կտեղադրվի միջին հզորության ջրապոմպ, որը լիովին կբավարարի կանաչապատ տարածքի լիարժեք ոռոգման պահանջները:

Գործունեության ենթակա տարածքում պատմամշակութային հուշարձաններ, բնության հատուկ պահպանվող տարածքներ չկան:

Նախատեսվող գործունեության իրականացման ժամանակ լինելու են շրջակա միջավայրի վրա ժամանակավոր ազդեցություններ, որոնք հիմնականում կապված են լինելու շինաշխատանքների հետ:

Համաձայն նախնական գնահատման հայտի նախատեսվում են՝ մթնոլորտային օդը, հողը և ջրային ռեսուրսները պահպանել աղտոտումից, բնական ռեսուրսների արդյունավետ օգտագործման, թափոնների կառավարման, աղմուկի մակարդակի և արտակարգ իրավիճակների ռիսկերի նվազեցմանն ուղղված բնապահպանական միջոցառումներ, որոնք ներառված են բնապահպանական միջոցառումների ծրագրում և մոնիթորինգի պլանում.

- փոշու արտանետումները նվազագույնի հասցնելու նպատակով շինհրապարակի տարածքում պարբերական ջրցանումների իրականացում,
- օդի որակի չափագրումների իրականացում ըստ անհրաժեշտության՝ ազդակակիր անձանց բողոքների դեպքում,
- նվազագույնի հասցնել շինհրապարակում պահվող նյութերի և թափոնների քանակը և պահել կուտակված նյութերը հնարավորինս ծածկված վիճակում՝ փոշու հնարավոր տարածումից խուսափելու համար,
- սահմանափակել մեքենաների արագությունը՝ փոշու քանակը նվազեցնելու նպատակով,
- շին. հրապարակում աղմուկի և թրթռումների մակարդակը համապատասխանեցնել ՀՀ օրենսդրական նորմերին, իսկ չափագրումներ կիրականացվեն ըստ անհաժեշտության՝ ազդակիր անձանց կողմից բողոքի դեպքում,
- աղմկահարույց աշխատանքների իրականացում օրվա ցերեկային ժամերին,
- մեքենաների ապահովվում խլացուցիչներով: Անսարք վիճակում գտնվող մեքենաների օգտագործման բացառում,
- հնարավոր վնասման ենթակա ծառերի և թփերի պահպանման միջոցառումների իրականացում՝ ուղղված դրանք պաշտպանությանը շին. գործողություններից, թափոնների տեղադրումից, փոշու ազդեցությունից (պաշտպանիչ պաստառներ, ջրցանում) և հնարավոր այլ ազդեցություններից,
- վտանգավոր նյութերի կառավարումը պետք է իրականացնել համապատասխան ՀՀ օրենսդրական պահանջներին,
- վտանգավոր նյութերն ու վառելանյութն պետք է պահել ծածկված, ապահով և բնական ճանապարհով օդափոխվող տարածքում՝ ապահովված անթափանց հատակով և պատնեշով,
- շինարարական աշխատանքների տեղամասերում տեղադրել հրդեհաշիջման սկզբնական միջոցներ, փակցնել հակահրդեհային անվտանգության պաստառներ, հրդեհների մասին ուղեցույց-հիշեցումներ և այլն,
- կանոնավոր կերպով (ամենաուշը 2 օրը մեկ) շինհրապարակից անհրաժեշտ է հեռացնել շին. թափոններն ու աղբը՝ փոշու և շին աղբի երկարատև կուտակումը և երթևեկության խոչընդոտները կանխելու համար,
- դասակարգել աղտոտված հողը, աղբն ու շինարարական մյուս թափոններն ըստ տեսակների՝ պինդ, հեղուկ և վտանգավոր,
- աղտոտված հողը, անհրաժեշտ է տեղադրել աղբի համար թույլատրված վայրերում,



- կենցաղային աղբի հավաքումը և պարբերաբար հեռացումը անհրաժեշտ է իրականացնել թույլատրված աղբավայրում,
- անհրաժեշտ է բացառել շինանյութերի և շին.աղբի կուտակումը շփհրապարակից դուրս՝ մասնավոր կամ հասարակական տարածքում, ինչպես նաև շին. աղբի հեռացման նպատակով հասարակական աղբամանների օգտագործումը և այլն:

Նախատեսված գործունեության շրջակա միջավայրի վրա բացասական ազդեցության նվազեցմանն ու բացառմանն ուղղված միջոցառումների ծախսերի գումարային գնահատումը մոտ 28 մլն. դրամ է, որը կազմում է գործունեության ընդհանուր նախահաշվի արժեքի մոտ 1%-ը:

Պատճառաբանական մաս.

Համաձայն նախնական հայտի բազմաֆունկցիոնալ բնակելի համալիրը կառուցվելու և շահագործվելու է ՀՀ-ում գործող օրենսդրության և նորմատիվատեխնիկական փաստաթղթերի պահանջներին համապատասխան:

Փորձաքննական գործընթացին ներգրավվել են շրջակա միջավայրի նախարարության ստորաբաժանումները, Շենգավիթ վարչական շրջանի թաղապետարանը, ինչպես նաև այլ գերատեսչություններ: Հայտը լրամշակվել է նաև ներկայացված դիտողությունների և առաջարկությունների հիման վրա:

Շրջակա միջավայրի վրա ազդեցությունները կրելու են ժամանակավոր բնույթ՝ պայմանավորված շինարարության փուլով:

Օրենսդրությամբ սահմանված կարգով Երևան քաղաքի Շենգավիթ վարչական շրջանի Գարեգին Նժդեհի 26 հասցեում իրականացվել է հանրային քննարկում, որի ընթացքում հանրությունը դրական է արտահայտվել նախատեսվող գործունեության վերաբերյալ:

Փորձաքննական պահանջներ

Նախատեսվող գործունեության իրականացման ընթացքում անհրաժեշտ է.

- առաջնորդվել ՀՀ քաղաքաշինական նորմերով և պահանջներով,
- ՀՀ օրենսդրությամբ սահմանված կարգով պահպանել արտակարգ իրավիճակների և աշխատանքի անվտանգության կանոններն ու նորմերը, արտանետվող փոշու և առաջացող աղմուկի ու թրթռումների թույլատրելի մակարդակը,
- առաջնորդվել ՀՀ կառավարության 20 ապրիլի 2002 թվականի N 438 որոշման 43-րդ կետի «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմնին» պահանջով,
- առաջնորդվել ՀՀ կառավարության 12 ապրիլի 2018 թվականի N 426-Ն որոշմամբ սահմանված տեխնիկական պահանջներով,
- պարսպապատել շինարարական հրապարակները, իսկ ներքուստ և արտաքուստ վերանորոգվող շենքերն ու շինությունները ծածկել շինարարությանը համապատասխան բարձրության անթափանց թաղանթով,
- բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը,



- շինարարական աշխատանքների ընթացքում առաջացող թափոնների կուտակումն ու հեռացումն իրականացնել ՀՀ օրենսդրությամբ սահմանված կարգով՝ Երևանի քաղաքապետարանի հետ համաձայնեցված,
- շինհրապարակից դուրս եկող մեքենաները պարտադիր լվանալ, իսկ առաջացած կեղտաջուրը հեռացնել՝ միացնելով ջրհեռացման համակարգին,
- տարածքի կանաչապատման աշխատանքներն իրականացնել համաձայն Երևանի քաղաքապետարանի կողմից հաստատված կանաչապատման նախագծի,
- շինարարության ընթացքում պահպանել բնապահպանական միջոցառումների ծրագրում և մոնիթորինգի պլանում նախատեսված միջոցառումների իրականացումն ու ժամանակացույցերը:

ԵԶՐԱՓԱԿԻՉ ՄԱՍ

«ՀԱՅՐԵՆԻՔ ՇԻՆ» ՍՊ ընկերության կողմից ներկայացված Երևան քաղաքի Շենգավիթ վարչական շրջանի Մ. Ֆրունզեի փողոց 10/4 հասցեում բազմաֆունկցիոնալ բնակելի համալիրի կառուցման նախագծի շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Մասնագետ՝



Մ. Ավետիսյան